

21) Ի՞նչ կը պահանջուի չափահաս մկրտուողէն՝ Ս. մկրտութեան համար:

Մկրտութիւնը փրկութեան ճանապարհին սկիզբն է, բայց վերջնական փրկութեան հասնելու համար կը պահանջուի միշտ կենդանի պահել Ս. մկրտութեան խորհուրդով ստացած շնորհները:

Երկրորդ նախապայմանը ապաշխարութիւնն է, ինչպէս Ս. Պետրոս առաքեալը կը յորդորէ. «Ապաշխարեցէ՛ք եւ ձեզմէ՛ իւրաքանչիւրը թող մկրտուի Տէր Յիսուս Քրիստոսի անունով մեղքերու թողութեան համար եւ պիտի ընդունիք Ս. Հոգիի պարգեւը» (Գործք 2/38): Այսինքն մարդ պէտք է անդրադառնայ իր անցած կեանքին:

22) Ո՞վ կրնայ մկրտուիլ հայոց եկեղեցոյ մէջ:

Հայոց եկեղեցոյ Ս. Աւագանին մէջ կրնան մկրտուիլ ազգութեամբ հայեր, մեր եկեղեցոյ անդամի հետ ամուսնացող եւ ամուսնացած օտարազգիներ, հայ ընտանիքներու կողմէ որդեգրուած երեխաներ, ինչպէս նաեւ այլադաւաններ եւ այլակրօնքներ:

Ովքեր սահմանուած կարգով անցած են խորհուրդի համար անհրաժեշտ նախապատրաստական ուսուցողական շրջանը, ընդունած եւ խոստովանած մեր դաւանանքը:

ԱՂԱՆԴԱԴՈՐԱԿԱՆ ՇԱՐԺՈՒՄՆԵՐ

ԲԱՍԸԼԱԿԱՆՈՒԹԵԱՆ ՀԱՄԱՌՕՏ ՊԱՏՄԱԿԱՆԸ

13. ՊԵՏԱԿԱՆ ԻՇԽԱՆՈՒԹԵԱՆՑ ՀՆԱԶԱՆԴՈՒԹԻՒՆԸ

Այդ գիտակցութեամբ ալ քրիստոնեայ անհատը պէտք է յարգէ պետական իշխանութիւնները եւ հնազանդի անոնց՝ պետական քաղաքական գործերու մատակարարման մէջ, այդ ձեւով անուղղակիօրէն իր հպարտութիւնը յայտնելով Աստուծոյ:

Այսքանով չեն վերջանար Եհովայի վկաներու քմահաճ բացատրութիւնները եւ Աստուածաշունչի պարզ ու վճիռ ճշմարտութեան դէմ գացող ստութիւնը, բայց այսքանը աւելիով կը բաւէ ցոյց տալու, թէ իրենց հրամցուածը նենգաւորուած «աւետարան» մըն է, որմէ կը զգուշացնենք բոլոր ճշմարիտ աստուածապաշտները: Անպայման կարդացէ՛ք նշուած համարները եւ դուք անձամբ հաստատեցէ՛ք, որպէսզի «գիտնաք ճշմարտութիւնը, եւ ճշմարտութիւնը ձեզ պիտի ազատէ» չարին դրդումով իրենց լարած որոգայթներէն (Հմմտ. Յովհ. 8:32):

Որովհետեւ ճշմարտութիւնը հիմն ու խարիսխն է մեր հաւատքին ու մեր փրկութեան եւ ճշմարտութիւնը գիտնալը անհրաժեշտ է:

Միրելի ընթերցող, ՃՐԱԳ քերթը ամէն Կիրակի կը բաժնուի մեր ժողովուրդին, եկեղեցիներու բանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՅԷ.



ԲՈՒ ԽՕՍԲԴ ԽՄ ՈՏԹԵՐՈՒՄ ԵՐԱԳ Է ՈՒ ԽՄ ՇԱԽՂՆԵՐՈՒՄ ԼՈՅՍ (Ս. 119-105)

ԺԱ. ՏԱՐԻ

ԿԻՐԱԿԻ, 4 ՆՈՅՏԵՄԲԵՐ 2018

ԹԻԻ 44

ԿԻՐԱԿԻ ՕՐԵՐՈՒ ԱՍՏՈՒՄՏԱՆՉԱԿԱՆ ԸՆԹԵՐՑՈՒՄՆԵՐ
Ես.22.15-25: ԵՓ 1.1-14:
ՅԻՍՈՒՄ ԲՐԻՍՏՈՍԻ ԱԵՏԱՐԱՆԸ ԸՍՏ ՂՈՒԿԱՍՈՒ 8.17-21

Չկայ ծածուկ բան մը, որ չյայտնուի եւ կամ գաղտնի բան մը՝ որ չգիտցուի եւ երեսան չգայ: Ուրեմն ուշադիր եղէք, թէ ինչպէս կ'ընդունիք այս խօսքերը, որովհետեւ ունեցողին պիտի տրուի, իսկ չունեցողէն պիտի առնուի նոյնիսկ այն՝ ինչ որ կը կարծէ թէ ունի:

Յիսուսի մայրն ու եղբայրները իրեն եկան, բայց խոտն բազմութեան պատճառով չկրցան իրեն մօտենալ: Լուր տուին իրեն, ըսելով. «Մայրդ ու եղբայրներդ դուրսն են եւ կ'ուզեն քեզ տեսնել»:

Յիսուս ըսաւ. «Մայրս ու եղբայրներս անոնք են, որոնք Աստուծոյ խօսքը կը լսեն եւ կը գործադրեն»:

ՊՕՐՈՍ ԱՌԱՔԵԱԼԻ ՆԱՍԱԿԸ ԵՓԵՍԱՑԻՆԵՐՈՒՄ 1.1-14

Օրհնեալ է Աստուած, մեր Տիրոջ Յիսուս Քրիստոսի Հայրը, որ Քրիստոսով մեզ օրհնեց երկինքի մէջ ամէն տեսակի հոգեւոր օրհնութեամբ: Անիկա աշխարհի գոյութենէն իսկ առաջ մեզ ընտրած էր՝ Քրիստոսի միջոցաւ իրեն պատկանելու համար որպէս սուրբ եւ անարատ ժողովուրդ եւ իր սիրով մեզ նախասահմանեց Յիսուս Քրիստոսի ձեռքով իր որդիները ըլլալու, որովհետեւ այդ էր իր կամքը եւ ծրագիրը:

Ուստի գովեմք զինք այն փառքին համար, որ մեզի շնորհեց իր սիրելի Որդիին միջոցաւ: Արդարեւ, անով փրկուեցանք եւ անոր արիւնով մեր մեղքերուն թողութիւն գտանք: Ո՛րքան մեծ է իր շնորհքը, որ առատօրէն տուաւ մեզի ամենայն իմաստութեամբ եւ գիտութեամբ: Որովհետեւ իր կամքին համաձայն մեզի յայտնեց շատ կանուխէն պատրաստ իր ծրագիրը, որ Քրիստոսով պիտի իրագործուի: Եւ այդ ծրագիրը սա է, որ երբ ժամանակները իրենց լրումին հասնին, Քրիստոս իրմով պիտի բովանդակէ ամէն ինչ որ կայ երկինքի մէջ եւ երկրի վրայ:

Աստուած, որ Քրիստոսով ամէն ինչ կը յաջողեցնէ ըստ իր առաջադրած ծրագիրին եւ կամքին, սկիզբէն հրաւիրեց մեզ իր ժողովուրդը ըլլալու եւ իր փառքը գովեցնելու: Մենք, որ Քրիստոսի յուսացողներուն առաջիններէն եղանք: Դուք ալ, երբ լսեցիք նշմարիտ քարոզութիւնը, այսինքն՝ Աւետարանը որ ձեզի փրկութիւն բերաւ, հաւատացիք Քրիստոսի եւ խոստացուած Սուրբ Հոգիով կնքուեցաք: Եւ Սուրբ Հոգին գրաւական է՝ թէ պիտի ժառանգեմք Աստուծոյ խոստումը, եւ որպէս իր կողմէ փրկուած ժողովուրդ՝ իր փառքը գովեցնեմք:

ՍՈՒՐԲԵՐ ԵՒ ՏՕՆԵՐ

ՅՈՎՀԱՆՆԷՍ ՈՍԿԵՐԵՐԱՆ ՀԱՅՐԱՊԵՏ

Պատրիարք Կ. Պոլսոյ՝ հայր եւ վարդապետ եկեղեցւոյ: Մնած է 347-ին, Անտիոքի մէջ եւ մեռած է 14 Սեպտեմբեր, 407-ին:

Կանուխէն կրթուած արտաքին գիտութեանց մէջ եւս, ճարտարախօսութեան դասատու ունենալով Լիբանիոսի նման հռետոր մը: Անտիոքի եպիսկոպոսը, Ս. Մելիտոս, գայն դաստիարակեց, մկրտեց եւ ընթերցող ըրաւ: Յովհաննէս յետոյ նոյն քաղաքին մօտակայ լեռները քաշուեցաւ, եւ վաղեմի մենակեացի մը ուղղութեան տակ անձնատուր ըլլալով ուսումնասիրեց Սուրբ Գիրքը, աղօթքի եւ ինքնաչարչարութեան: Յետոյ թաքցեցաւ քարայրի մը մէջ, ուր մնաց երկու տարի, որմէ վերջ իր առողջութիւնը հարկադրեց զինքը դառնալ Անտիոք: Մելիտոս՝ սարկաւազ ձեռնադրեց, իսկ Փլաբիանոս՝ անոր յաջորդը, քահանայութեան կոչեց գայն, եւ քարոզչութիւն ալ տուաւ անոր: Պաշտօն՝ գորայդ միջոցին միայն եպիսկոպոսները կրնային ունենալ:

398-ին, հակառակ իր կամքին, յաջորդեց Կ. Պոլսոյ Նեկտարիոս պատրիարքին, եւ այդ ատենէն իր անձին վրայ փայլեցուց բարի եւ ընտիր հովապետի մը առաքինութիւնները:

Ան բարեկարգեց կղերը, կանոնաւորեց աղքատներու խնամքը, կառուցել տուաւ հիւանդանոցներ, եւ այնքան ուժգնօրէն ծանրացաւ մեծամեծներուն ազահութեան, ամբարտաւանութեան եւ ցոփ կենցաղին դէմ, որ 403-ին գահընկէց եղաւ Կաղնեաց ժողովէն եւ Բիւթանիա աքսորուեցաւ:

Բայց իր մեկնումին գիշերը, Կ. Պոլսոյ մէջ այնպիսի ահաւոր երկրաշարժ մը պատահեցաւ, որ կայսրուհին զարհուրած, իր ամուսինէն արտօնութիւն ստացաւ Սուրբը ետ կանչել տալու: Բայց այս անգամ, ա՛յլ աւելի խիստ կերպով քարոզեց արքունիքի զեղխութեանց դէմ. ուստի, Արկադիոսի եւ Եւդոքսիայի որոշումով, վերստին գահազուրկ եղաւ եւ աքսորուեցաւ նախ Հայաստան, Կոկիսոն, յետոյ Կոմանա, ուր Ս. Բասիլիսկոսի վկայարանին մօտ վախճանեցաւ՝ վերջին անգամ Ս. Խորհուրդը մատակարարելէ ետք: Իր մարմինը Կ. Պոլիս փոխադրուեցաւ 434-ին, իր աշակերտին՝ Պրոկղի պատրիարքութեան օրով: Իր գրականութիւնը, կը ներառէ Պատարագ մը, Ս. Գրոց մեկնութիւններ, քահանայութեան վրայ ճառ մը եւ բազմաթիւ քարոզներ, որոնց մեծ մասը հայերէնի թարգմանուած են Ե. դարու ընտրելագոյն գրաբարով: Անոնք եկեղեցւոյ հայրերուն ամենէն մեծարժէք գործերը կը ներկայացնեն:

ԱՂՕԹՔ Ս. ԲԱՐՍԵՂԷՆ (Օգտակար դառնալու խնդրանք)

Սորվեցո՛ւր մեզի, ո՛վ Տէր, տեսնել եւ օգտագործել ծառայութեան ամէն պատեհութիւն: Թող ըլլանք տուողներ՝ առանց փոխարժէքը հաշուելու, պայքարողներ՝ առանց վիրաւորելու, աշխատողներ՝ առանց հանգիստ փնտռելու, ծառայողներ՝ առանց վարձատրութիւն սկսնելու, այն գիտակցութեամբ թէ Քուկա՛նք է որ կը կատարենք. ամէն:

ՄԵՐ ՀԱՅՐԵՐՈՒՆ ԽՐԱՏՆԵՐԸ

ՄԵՐ ՀԱՅՐԵՐՈՒՆ ԽՐԱՏՆԵՐԸ ԶԱՐԻՔՆԵՐԷ, ՊԱՏՈՒՅԱՍՆԵՐԷ ԵՒ ՎՏԱՆԳՆԵՐԷ ՉԵՐԾ ՄԱՍԼՈՒ ՀԱՄԱՐ, ԱՍՏՈՒԾՈՅ ՊԱՅՊԱՆՈՒԹԻՒՆԸ ԽՆԴՐԵԼ

Չար մարդիկ կը սպառնա՞ն կեանքդ... Աստուծոյ ապաւինիր, որովհետեւ անքու անքուն պահապանը է:

Տիրոջ հրեշտակը աստուածավախ մարդոց կողմէն պահակ կը կանգնի եւ փորձանքներէն զանոնք կ'ազատէ: «Ողորմէ ինձի, ով Աստուած, ողորմէ ինձի, որովհետեւ քեզի ապաւինեցայ, քու թեւերուդ հովանիին տակ պիտի ապաստանիմ, մինչեւ անցնի պատուհասը: Բարձրեալ Աստուծոյ կ'աղաղակեմ, որ իր օգնութիւնը դրկէ ինձի: Երկինքէն օգնութիւն կը դրկէ եւ կը փրկէ զիս, եւ կը նախատէ անոնք որոնք կեանքիս կը սպառնան»: Սաղմոս 57

Անոր՝ Բարձրեալին, ամենակարողին պաշտպանութեան տակ կը մտնէ, անոր հովանիին տակ հանգիստ կը գտնէ: «Իր թեւերով պիտի ծածկէ քեզ եւ իր հովանիին տակ ապաստան պիտի գտնես: Տէրը քեզի համար իր հրեշտակներուն պիտի պատուիրէ, որ պահպանեն քեզ ուր որ ալ երթաս: Իրենց ձեռքին վրայ պիտի բռնեն քեզ, որպէսզի չըլլայ որ ոտքդ քարի մը զարնուի»: Սաղմոս 91

«Օգնութիւնս Տիրոջմէ պիտի գայ, որ արարիչն է երկնքին ու երկրին: Անկա թոյլ պիտի չտայ որ փորձանքի մէջ իյնաս, որովհետեւ քու անքուն պահապանը է ան: Արդարեւ ան չի ննջեր եւ չի քնանար, ինք քեզ պիտի պահէ ամէն չարիքէ եւ քեզ պիտի պահպանէ»: Սաղմոս 121

ՀՈԳԵԻՈՐ ԽՈՐՀՐԴԱՏՈՒ

ԿԻՐԱԿԻ ՕՐԸ՝ ՏԻՐՈՋ ՄԷՋ ՀԱՆԳՉԵԼՈՒ ՕՐ Է

«Բնաւ չդադրիմք պաշտամունքի հաւաքոյթներուն մասնակցելէ...» (Եբր. 10.25): Աստուածային հրահանգ է, որ Աստուծոյ գաւակները միշտ եկեղեցի յաճախեն: Ուել մէկը թող չպատճառաբանէ, թէ ինք շատ զբաղած է եւ հետեւաբար եկեղեցի չի կրնար երթալ Կիրակի օրերը: Յիսուսէն աւելի՞ զբաղած ենք: Յիսուս մնայուն կերպով տանար կը յաճախէր: Ան ուզեց օրինակ դառնալ մեզի: Մէկը թող չըսէ, թէ ինք շաբաթը վեց օր կ'աշխատի եւ եղած չեղածը մէկ օր ունի հանգիստի, այդ ալ Կիրակի օրն է: Ո՛ւր կ'ուզես հանգիստ ընել կամ ո՞ւր կը գտնես հանգիստդ: Պատշաճ դրուած խորովածին դիմա՞ց, անկողնի՞ մէջ, կլկակին առջե՞ւ: Ա՞յս է քեզի համար հանգիստը: Յիսուս չըսա՞ւ, որ եթէ իրեն գաս քեզի հանգիստ պիտի շնորհէ (Մտթ. 11.28): Զե՛ս հաւատար իր տուած խոստումին:

ՄԻԱՍՆԱԲԱՐ ԱՂՕԹԵՆՔ

Հրամայէ՛, Տէ՛ր, որ անդամալոյծիմ պէս առողջանամ, մէկ կողմ նետեմ ցաւերուս անկողինը, Տիրոջ տան մէջ շրջիմ Քու կամարարներուդ հետ եւ Աստուծոյ գաւիթին մէջ ծաղկիմ ու չմեղանչեմ:

Խորտակէ՛, Տէ՛ր, աստանային բռնութիւնը, մէկդի նետէ անոր գօրութիւնը, արգիլէ՛ անոր յարձակումը վրաս, որպէսզի մարմինս ընդունայն վարելով՝ չտանի լայն ճամբով, որ կորուստի եւ ապականութեան կը տանի:

Եփրեմ Ասորի